



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

XXVII. Conciliabuli Basileensis statuta irritata.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

corporum, & Capitulorum à Sede Apostolica, se stabilire in injusta possessione occupandi electiones canonicas, & querelis populorum refranare Pontificiam potestatem. Sic fecisse constat Hermannum, Henricum V. etiam postquam Calixto II. promiserat, se canonicas electiones in sua libertate relicturum, Fridericum I., Othonem IV., Fridericum II., & plures qui sequuti sunt, & Ecclesiasticas res plurimum perturbarunt, uti videre est apud Goldastum tom. I. pag. 242. 258. 289. & 290., idque patet ex Annalibus Ecclesiasticis, Germanarumque rerum Scriptoribus.

Hic status rerum fuit donec ad tempora Constantiensis & deinde Basileensis Concilii ventum est, quo auctoritate Eugenii IV. dissoluto, & translato ad Civitatem Ferrariæ, Basileense Conciliabulum instante Alberto Imperatore & dein Friderico III. plura contra Apostolicam Sedem tentare ausum est, donec comperta nullitate actorum ejus pseudo-Synodi, post translationem factam à Papa, Germanisque omnibus illuminatis, Fridericus III. supplex ab Eugenio Catholicæ Ecclesiæ Antistite, detestata pervicacia schismaticorum, absolutionem Episcoporum, qui Basileæ convenerant, & Procerum,

XXVII.
Conciliabuli Basileensis
statuta irrita.

36 *De primariis Precibus Imperialibus*
qui à fœdere Romanæ Ecclesiæ desciverant, suamque impetravit, quemadmodum ostendunt Gobel. comment. lib. 1., Raynald. ad annum Christi 1447., & patet ex constitutione x. Pii II., in qua fufius res gestæ enarrantur.

XXVIII.

Primariæ
Preces ab Eu-
genio IV. Fri-
derico III.
concessæ.

Vix reconciliatus Fridericus duo petiit ab Eugenio; primum, ut omnes electi ad Ecclesias, & Beneficia, omnesque de iis provisi in Germania tempore contumaciæ, ii quoque, qui Conciliabulo adhererant, pristinis honoribus & dignitatibus restituerentur, eorumque provisiones Papali diplomate validæ fierent: quod Eugenius fecit, quemadmodum legitur in Constitutione relata per Raynaldum ad annum Christi 1447. n. 4. 6. 7. & sequentibus: alterum, ut Papa indultum primariarum Precum ipsi concederet, quod & Eugenius Friderico benigne indulsit, ut infra referam. Interim missus est Joannes Cardinalis sancti Angeli Diaconus ad Germanos, ut tandem is auctoritate Legationis Apostolicæ componeret jurgia, quæ tanto tempore exarserant inter summos Pontifices, Imperatores, universamque inclytam Nationem occasione libertatis electionum, collationum, reservationum Apostolicarum, expectativarum, mandatorum de providendo vacatura, & similibus.

XXX
concessæ